

Januarie
2011Posbus 20
Hermanus 7200

	Telefoon	Faks
Hermanus	028 313 8000	028 312 1894
Gansbaai	028 384 8300	028 384 0241
Kleinmond	028 271 8400	028 271 4100
Stanford	028 341 8500	028 341 0445

24 Uur Beheerkamer Brandweer	028 313 8000/8111 028 312 2400
---------------------------------	-----------------------------------

Bulletin

Amptelike nuusbrieff van Munisipaliteit Overstrand

VORDERING MET RISIKOBESTUUR PLANNE IN PLEK OM FINANSIËLE VERLIESE TE BEPERK

Munisipaliteit Overstrand het goeie vordering gemaak om die top 10 risiko's vir die onderneming wat in Maart vanjaar geïdentifiseer is, te verminder. Onlangs is aan die Raad gerapporteer dat daar teen die einde van die boekjaar op die meeste van hulle ten volle gereageer sal wees.

Die Munisipaliteit se Risikokomitee het ook reeds in November die volgende ronde van Top Tien Risiko's bepaal en projekte om dit te minimaliseer sal hopelik by die kapitale en/of bedryfsbegroting vir 2011/12 ingesluit word.

Volgens die verslag is daar op verskeie maniere aandaag geskenk aan die risiko van finansiële verliese weens waterspreidingsverliese, ongeïnde verkeersboetes en vandalisme van eiendom.

Tenders is aangevra vir die vervanging van verouderende waterspreidingsnetwerke in Hermanus en Hangklip-Kleinmond; die huidige oudit van watermeters om onakkurate en verouderende watermeters te identifiseer, sal opgevolg word met 'n vervangingsprogram van 4000 meters per jaar en operasionele bestuur en personeel spits hulle daarop toe om ongemagtigde gebruik aan bande te lê.

'n Tender vir die vervolging van verkeersoortreders is toegeken en 'n beleid om vandale te vervolg is in konsepvorm. 'n Stelsel waarvolgens inligting beloon sal word, is reeds aangekondig.

Die risiko verbonde aan 'n moontlike verlies van elektroniese inligting of rekenaardata sal baie kleiner wees wanneer tenders eersdaags vir 'n ramp-herwinningsbediener en 'n gesentraliseerde bestuur-rugsteunstelsel (virtualisering) toegeken word.

Die ontoereikende infrastruktuur vir watersuiwering en roolbehandeling in Hermanus sal daadwerklke aandaag

kry met die vernuwing van die aanlegte vroeg in die komende jaar, hoewel die opgradering van beide aanlegte nog van die finalisering van omgewings-impakevaluering afhang.

Werk is gemaak met probleme rondom stormwater-dreinerings deur kwelpunte te identifiseer en voorsienings op die lopende begroting in te sluit. Tenders word tans vir projekte gevra.

Die risiko van onderbroke of beperkte elektrisiteitsvoorsiening is onder die loop geneem deur 'n rugsteun-opwekker by die munisipale store of Hermanus te installeer en energiebesparende maatreëls by alle nuwe ontwikkelings te bevorder, waarvolgens ontwikkelaars energiebesparende planne moet inhandig alvorens goedkeuring verkry kan word.

Die kruinmas op die Olifantsberg sal binnekort opgegradeer word om 'n moontlike onderbreking in die munisipaliteit se radiofrequentienetwerk te voorkom. Beskermd klerasie is op bestelling vir gespesialiseerde dienste wat deur die brandweer en waterbehandelings-aanlegte gelewer word. Voorbrande is onlangs by die Fernkloof-natuurreservaat en in ander areas aangebring om onnodige veld- en bergbrande te voorkom. 'n Tender is toegeken vir beheer in informele nedersettings.

Steeds in die pylyn is die instelling van 'n munisipale hof, waar die Nasionale Vervolgingsowerheid se beleid in dié verband afgewag word, en 'n stelsel vir vooruitbeplanning sover dit die munisipaliteit se tenderproses betref.



Die nuwe Hermanusstasie-winkelsentrum bied 650 nuwe parkeerplekke in die hart van Hermanus en sal die dorp meer toeganklik vir besoekers maak. Die ou Stasie-gebou is as deel van die ontwikkeling gerestoureer en die styl van die sentrum is by die gebou aangepas deur onder meer die bewaringsargitek, wyle Hannes Meiring.

NUWE ONTWIKKELINGS SPAN DIE KROON

Die opening van die Hermanus Stasie-winkelsentrum en die Sakekern-verligtingspad span die kroon op 'n jare lange ontwikkelingsproses om Hermanus se stadskern te vernuwe en vir Overstrand 'n ekonomiese hupstoot te gee.

"Ons glo die ontwikkelings gaan as trekpleister vir verdere beleggings en ontwikkeling in ons vinniggroeiende streek dien. In die afgelope tyd se moeilike ekonomiese omstandighede het die R200 miljoen wat die kompleks se konstruksie gekos het, ekonomiese groei gestimuleer – nie net hier nie, maar ook wyer," sê Burgemeester Nicolette Botha-Guthrie.

Van die munisipaliteit se kant is die hernuwingspoging met die uitsondering van die opgradering van die taxi-terminus nou afgehandel. Benewens die herontwikkeling van die stasieperseel het dit ook die bou van die sakekern-verligtingspad, die opgradering van Markplein en die vervoetgangering en skep van parkeerplek by Gearingspunt en Kransplein ingesluit.

Hermanus is nou gereed om sy volwaardige rol as toerismesentrum te beklee en die Burgemeester het die hoop uitgespreek dat Hoy se Koppie 'n belangrike rol as groen long en argeologiese skatkis sal speel.

Met die afskop van ekonomiese aktiwiteite op die terrein word die mark vir goedere en dienste uitgebrei en die arbeidsmark vergroot, en hierdie ontwikkeling sal stukrag aan nuwe kommersiële ontwikkelings verleen, sê me Botha-Guthrie.

Met 'n beraamde toename van R428 miljoen in jaarlikse sakevolumes sal 'n deurlopende uitkrangeffek in die res van die substreek ervaar word wat die waarde van produkte en dienste sal verhoog. Die impak op indiensneming word op 'n geraamde 402 direkte en 'n verdere 521 indirekte werksgeleenthede geskat, wat dus in totaal 922 nuwe geleenthede, meesal vanuit Hermanus, skep.

Die voordeel vir Munisipaliteit Overstrand word op R1,8 miljoen per jaar ten opsigte van eiendomsbelasting en

diensgelde geraam. Checkers/Shoprite het ook die Stasiegebou opgegradeer en opgeknop om sodoende 'n stukkie geskiedenis in die Sentrale Sakekern te verwewig en 'n basis te skep vanwaar toeriste ons dorp en streek kan ontdek.

'n Ekonomiese lewensvatbaarheidstudie wat in opdrag van Munisipaliteit Overstrand uitgevoer is, het bevind dat voertuigbedryfskoste en die waarskynlikheid van ongelukke op die paaie in die SSK sal afneem te danke aan die nuwe verligtingspad wat amptelik op Vrydag, 26 November 2010 geopen is. Hierdie studie het die netto persentasiewaarde van die gebruikersvoordele op R144 miljoen oor 'n tydperk van 20 jaar geraam.

Die SSK-verligtingspad is teen 'n koste van R24 miljoen gebou om mobiliteit en die veiligheid van die dorp se paaistelsel te verbeter. Die hart van die wêreld se walvishoofstad sal baie meer voetganger-vriendelik word, en dit sal ekonomiese ontwikkeling 'n hupstoot gee.

BEHEER OOR MOTORWAGTE EN -WASSERS

Tot op hede het verskeie individue hul opwagting in Hermanus se sakekern gemaak en na hulself as 'parkeerbedieners', 'parkeermagte' en selfs 'parkeer-beamptes' verwys. In 'n poging om hierdie aktiwiteite te koördineer en te monitor, het die munisipaliteit die maatreëls ingestel om motoriste te help om die 'motorwag'- en 'motorwas'-bedieners te herken.

Vanaf 1 Desember het alle Motorwag- en Motorwasbedieners 'n spesiale identiteit wat herken kan word aan onderskeidelik oranje of geel/lemmetjiegroen beffies waarop ook die telefoonnommer van die munisipale beheerkamer vertoon word. Hulle sal slegs in die SSK bedrywig wees.

Motorwagte mag vrywillige 'footjies' aanvaar om jou voertuig op te pas. Hulle sal slegs tussen 17:00 en 08:00 in die SSK bedrywig wees. Hulle mag nie ook as motorwassers optree nie.

Motorwassers is die mense wat onderneem om jou voertuig te was teen 'n tarief wat hul self bepaal. Hulle mag voertuie tussen 08:00 en 17:00 was en slegs op die parkeerareas by Barneys, Kransplein, ENB-parkeering, Gearing's Punt, Mitchellstraat, Rossi's, Savannah Café, Spur/Clicks en Woolworths. Hulle mag nie ook as motorwagte optree nie.

Motoriste wat van die dienste van 'motorwagte' en 'motorwassers' gebruik maak, doen dit uit hul eie vrye wil en op hul eie risiko aangesien hierdie mense nie in die diens van die munisipaliteit is nie. Die munisipale wetstoepassingsafdeling sal egter hul aktiwiteite nougeset monitor.

Buyambo-bedieners: Neem asseblief kennis dat die 'motorwagte' en 'motorwassers' nie met die dienste van die 'parkeerbedieners' verwar moet word nie. Laasgenoemde dra blou beffies en blou pette. Die parkeerbedieners is in diens van die diensverskaffer Buyambo



Karwagte en Motorwassers prouk met hul kenmerkende nuwe beffies. By hulle is Ekonomiese Ontwikkelingsbeampte Yolanda Hendriks en Wetstoepassingshoof, Marius Hendriks.

Eiendomme en kollekteer parkeergelde in gebiede in die SSK wat spesifiek vir hierdie doel afgebaken is. Parkeergelde word tussen 08:00 en 17:00 vanaf Maandag tot Vrydag en tussen 08:00 en 13:00 op Saterdag deur parkeerbedieners gekollekteer. Parkering op Sondae en godsdienstige vakansiedae is gratis.

Motoriste moet geen ander persoon as dié wat hierbo vermeld is vir parkering betaal of geld daarvoor gee nie. Geen persoon sal toegelaat word om geld vir parkering te ontvang tensy hy/sy daarvoor geregistreer is en die gepaste uniform dra nie.



Foto: Francois de Jongh.

By die ingebruikneming van die nuwe satellietbiblioteek neffens die Bamboessaal op Buffeljagsbaai was van links Burgemeester Nicolette Botha-Guthrie, Onderburgemeester Pieter Scholtz, Buffeljagsbaai-biblioteekaresse Sophia Boshoff, Gansbaai-biblioteekaresse Sharmen Geldenhuys, areabestuurder Kat Myburgh, Desirée Barnard van die Overberg-distriksmunisipaliteit, Mhlengi Ngocobu van die Provinsiale Biblioteekdiens, en Roderick Williams, direkteur van gemeenskapsdiens.

BUFFELJAGSBAAI KRY SATELLIETBIBLIOTEK

Met die ingebruikneming van 'n satellietbiblioteek op 2 Desember 2010 op Buffeljagsbaai gaan inwoners van dié klein uithoek van Overstrand toegang tot sowat 1500 boeke en biblioteekdienste vyf dae per week kan geniet.

Burgemeester Nicolette Botha-Guthrie het dié ontwikkeling as 'n skitterende voorbeeld van samewerkende regering op 'n klein skaal bestempel. Die behoefte is deur die Gesondheid- en Welsynskomitee van die Overberg Distriksmunisipaliteit geïdentifiseer, die Wes-Kaapse Provinsiale Administrasie het die geld beskikbaar gemaak, en Munisipaliteit Overstrand het dit geïmplementeer.

Die provinsiale biblioteekdiens het ook twee mobiele toesluitbare biblioteekkaste aan die biblioteke geskenk.

Die kinders, wat 'n afstand van 40 km na die naaste skool op Gansbaai moet aflê, het voortaan nie meer verskoning vir swak take of huiswerk nie. Nie net is daar uitstekende naslaanbronne nie, maar

daar word ook beoog om binnekort internetgeriewe beskikbaar te stel. Die versperings na kennis en ingeligtheid word afgebreek, het me Botha-Guthrie gesê.

"Buffeljagsbaai is miskien 'n baie klein plekkie in Overstrand, maar ons munisipaliteit en raad ag hom baie belangrik. Dit het julle al gesien in die opknapping van die Bamboessaal en die nuwe reservoir om beter water aan julle te voorsien. Julle is deel van ons visie om 'n sentrum van uitnemendheid vir ons gemeenskap te wees. Ons gaan saam vorentoe. Niemand mag agtergelaat word nie," het die Burgemeester gesê.

In sy bedankingswoord namens die gemeenskap het die wyksraadslid, mnr Pieter Scholtz, gesê die gemeenskap verdien 'n biblioteek en sal mooi daarvoor sorg. Hy het Langenhoven aangehaal wat gesê het 'n lesende volk 'n denkende volk word, en 'n denkende volk 'n groot volk.

PAKKIES VIR TRAUMAKAMERS



Marianné Beyleveldt het as een van haar laaste projekte as Burgemeestersvrou noodlenigingspakke aan die traumakamers in Overstrand beskikbaar gestel. Twintig pakke met produkte soos tandepasta, seep, 'n waslappie en snesies is by elk van die vyf traumakamers in Overstrand afgelewer. Dié pakke is vir die gerief van slagoffers van verkragting en gesinsgeweld wat as gevolg daarvan 'n nag in die kamer moet deurbring. By haar is Zwelihle-traumakamer se Konstabel Mazuto.

GEMEENSKAPSPOLISIEFORUM



BELONING VIR INLIGTING

Vandalisme kos die Munisipaliteit Overstrand en, indirek, belastingbetalers baie geld en dié owerheid wil graag 'n einde daaraan maak.

Onlangs is, byvoorbeeld, 'n hout-huisie vir sekuriteitswagte by die pieknietterrein naby Grottostrand aan die brand gestee. Nie net die huisie het uitgebrand nie, maar skade is aan 'n nabygeleë elektrisiteitsstasie en 'n nabygeleë restaurant aangerig. Verdere gevolgskaade was dat die riool by Grottostrand nie weggepomp kon word nie en dat tenkwaans dit teen groot koste moes weeg.

Dié koste van hierdie enkele voorval het uiteindelik meer as R17 000 vir die munisipaliteit beloop en dit sluit nie die herstel van skade aan die restaurant in nie.

Daar kan nog vele ander voorbeelde uitgewys word. Amptenare bereken dat die totale skade weens vandalisme

en kwaadwillige saakbeskadiging honderdduisende rand per jaar beloop.

Die munisipaliteit pas 'n beleid van geen verdraagsaamheid toe en indien die skuldiges vasgetrek word, sal kriminele klagtes by die Polisie ahangig gemaak word en die skade van die oortreders verhaal word.

Daarvoor is die samewerking van die publiek nodig en is die munisipaliteit bereid om substantiewe kontantbelonings te gee vir inligting wat tot die skuldigbevinding van oortreders lei.

Insidente kan enige tyd van die dag of nag by die 24-uur-beheerkamer (028 313 8111) aangemeld word. Hoewel beriggewers bereid behoort te wees om beëdigde verklarings af te lê en in 'n hofsak te getuig, kan daar in sekere gevalle uitsonderings gemaak word om mense se identiteit te beskerm.

NASIONALE
BEDROGBLITSLYN

0800 701 701